



Nordtveit Juletre og Pyntegrønt
Nedstrandsveien 1541
5560 NEDSTRAND

Att. Hilmer Hermansen

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 56 88 11
E: fmropost@fylkesmannen.no

www.fylkesmannen.no/rogaland

Løyve til planting av utanlandske treslag til juletreproduksjon

Syner til søknad, mottatt 09.01.2013. Du søker om løyve til planting av utanlandske tre til juletreproduksjon på Nedstrand i Tysvær kommune.

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål* (25.05.2012 nr 460), jf naturmangfaldlova kap IV.

Søknaden

Du søker om utplanting av om lag 3500 trær i 2013 på eit areal, innteikna på kart vedlagt søknaden. Det aktuelle arealet er på din eigedom gnr 147/1 i Tysvær kommune. Treslag som skal plantast ut er normannaedelgran *Abies normanniana* og fjelledelgran *Abies lasiocarpa*. Vi gjer merksam på at vi har høve til å handsame søknad om plantingar over fleire år, og vil legge oversikten over framtidige plantingar til grunn for søknaden (vedlegg 2 i søknaden).

Fylkesmannen si vurdering

Føremålet med forskrifta er å hindre at planting av utanlandske treslag ikkje gjev uheldige konsekvensar for naturmangfaldet. Det er sentralt å sikre at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 sett krav om at vedtak bygger på kjend kunnskap. Normannaedelgran er ikkje vurdert av Artsdatabanken som ein art med kjend risiko for naturleg spreiing eller følgeeffekter i norsk natur (Norsk svarteliste 2012). Fjelledelgran er oppført som ”låg risiko”. Det er ikkje verna område, naturtypar eller kjende artar i nærliken som kan bli uheldig påverka av tilplantinga. Plantefelta legg beslag på areal, stort sett bjørk og plantefelt av gran i tillegg til dyrka og overflatedyrka innmark. Kommunen har gitt løyve til omdisponering av dyrka mark.

Ut frå føre-var-prinsippet (§9) er det viktig å sikre seg mot at plantefelt kjem ut av kontroll, til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverking av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket legg beslag på eller er vesentleg trugsmål mot stadeigne naturkvalitetar.

§11 adresserer ansvaret for eventuelle skader på naturmiljøet til tiltakshavaren. Kostnader ved å bøta på eventuelle skader eller førebygge skader skal dekkast av tiltakshavar, så langt dei er innafor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Vi har ikkje spesielle merknadar til dette i denne saka.

Vi kan ikkje sjå at planting av desse treslaga vil vere til vesentleg skade for naturmangfaldet. Dei aktuelle treslaga har ikkje stor risiko på svartelista, og det er ikkje registrert spesielle naturverdiar som kan bli truga av tiltaket på eller umiddelbart ved plantefeltet. Det er likevel viktig å sikre seg mot eventuell frøsetting. Det er viktig å dokumentere rutinar for å hindre spreiling, og kven som har ansvar for å sikre hogst før frøsetting. Det er også viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gjev med dette løyve til utsetting av normannaadelgran og fjelledelgran på avmerka område på kart vedlagt søknaden (vedlegg 2), jf også kart frå kommunen over areal som kan omdisponerast etter jordlova. Området er på Nedstrand i Tysvær kommune. Løyvet gjeld i ti år fram til år 2023.

Det blir sett som vilkår at alle trær som er omfatta av vedtaket skal fellast innan 15 år etter planting. Eigaren av arealet er ansvarleg for fellinga. Vilkåret for dette løyvet skal gjerast kjend for ny eigar ved eventuelt eigarskifte.

Med helsing

Per Kristian Austbø
ass. fylkesmiljøvernsjef

Anders T. Braa
viltforvalter

Dokumentet er godkjent elektronisk av Fylkesmannen i Rogaland og krev derfor ikkje signatur.

Saksbehandlar: Anders T. Braa
Saksbehandlar telefon: 51 56 89 14
E-post: fmroatb@fylkesmannen.no

Kopi til:
Tysvær kommune Postboks 94 5575 Aksdal